

志試酌清冷正脉嘗

宣授樞密院參議陳遂上

蒼髯如戟眼如冰凜凜丰標漢歲星應是老仙元有分更遭羽
客解通靈一瓢神糞開玄境萬古中原拜祖庭聞道劫餘糜爛
者多因此水救來醒

翰林直學士中順大夫王利用上

外全乎人內全乎天白玉在石玄珠在淵海蟾一照重陽卽仙
道以水悟水乃道筌人勿自棄甘河有泉

洛陽宰沂上

休羨曹溪一勺甘西江吸盡是空談遇仙橋下洋洋水正派元

道藏輯要

甘水仙源錄

五

翼集三

來有指南

派出終南不少休源泉混混遍中州反涇合渭東歸海要向蓬
萊頂上流

未遇仙真可奈何易牙有口謾蹉跎操瓢試向橋邊飲水味過
於酒味多

翰林直學士知制誥姚燧上

終南山下甘泉水我挈瓶嘗井泉比如何仙翁酌飲人一唾世
上無醪醴是何濡軌不成川北流赴渭朝宗然東海相絕幾千
里餘波開七黃金蓮河之源委人不見味更幽眇人豈辨仙翁
乘雲能再來醉棄餘杯須一吮